

lis Gnovis

■ UDIN. Messe par furlan



A Udin, la Messe par furlan e ven cjantade sabide ai 29 di Avrîl aes 5 e mieze soresere, li de capele «de Purità», daprûf dal domo (cun Radio Spazio che le trasmet sul moment). E compagnarà la celebrazion la Corâl "Bariglarie" di Dedeà. Al disarà messe pre C. Marchica.

■ CARVIGNAN. Parc o scuele?

Si resone sul destin de aree de ex caserme Pasubio, che la aministrazion di cumò e volarès trasformà intun grant parc. Cuintri cheste ipotesis, al è nassût un Comitât che, ritignint chest progjet une sorte di disgracie, massime pes gjenerazioni zovinis, al à tacât a cjàpà sù firmis tra la popolazion. Il Comitât, invezeit, al à fat bon il progjet de aministrazion di prime, che al proviodeve la costruzion di une scuele inovative, dal distret sanitari e di une pissine al servizi di dut il mandament. Dut càs, il Comitât al sosten che il so obietif al è chel di scoltà il plui grant numar di personis, ançe parcè che a'nd è di chês, plui sparagninis, che a volarèssin lassà il teren cemût che al è, magari spindint i bêçs par altris oparis.

■ GLEMONE. Une altre scuele Montessori

Daspò di chês di Bordan e di Buie, une gnove scuele cul metodi Montessori e je nassude tal Glemone: si trate di une scuele primarie che e va daûr dal metodi de pedagogjiste di Chiaravalle. E je une scuele parentâl che i àn dât il non di "Seconda stella a destra". La scuele e je rezude di une associazion di promozion sociâl che a'ndi fasin part propit i gjenitôrs dai fruts, che, dut càs, jessint une scuele autonome, a varan di fâ dai esami par jentrâ in altris scuelis. La originalitât de didatiche di chest metodi e proviôt che i mestrîs a vebin di trasmeti ai fruts lis nozionis di fonde, par lassâur la autonomia te interpretazion des formis e dai imprescj par cressi te educazion e te cognossince.

■ UDIN. Salvâ il cine Centrâl



Il destin dal Centrâl, che di scuasit vincj agns al jere in gjestion dal CEC, al è in pericol, parcè che l'afit dal edifici al scjadarà ai prins di Novembar di chest an, e al semee che il proprietari nol vebi voie di rignuvilu. Ma si trate di un bocon di storie de vite de citât, di un patrimoni di salvâ, intun panorame culturâl che al sta diventant simpri plui sclagn. Par intant, e je stade inviade une racuelte di firmis par sburtâ lis aministrazions e lis associazions interessadis a dâsi di fâ par cirî une soluzion par salvâ il cine. Di fat, in ocasion de presentazion de 25e edizion dal "Far East Film Festival", dutis lis autoritâts presintis a àn pandût il lôr impegn par fâ in mût che no si fâsi mancjâ ae citât une realtât culturâl cussi impuartante.

Miercus 26	S. Marcellin pape	Domenie 30 IV Domenie di Pasche	
Joibe 27	S. te Zite vergjine	Lunis 1	S. Josef artisan
Vinars 28	S. te Valerie martare	Martars 2	S. Atanasi vescul
Sabide 29	S. te Catarine di Siene	Il timp	Variabil



Il soreli
Ai 26 al jeve aes 6.03
e al va a mont aes 20.08.



La lune
Ai 27 Prin cuart.

Il proverbi
Cuant che al cjante il cuc une di ploie e une di sut.
Lis voris dal mês
Intal ort fâ un lavôr pulit li che si riplante
lis freulis e che si colmene ben lis sparghinis.
Si semene dut ce che si vûl.

Cuant che in Friûl a cjaçavin i lôfs

*Tai dîs passâts,
in Valcjanâl, un gnûf
avistament di un lôf*

Tai dîs passâts, in Valcjanâl, un gnûf avistament di un lôf che al spassizave dilunc la ciclopedonâl e che si è ançe fat fotografâ. Secui indaûr, invezeit, ur si dave la cjaçe. Contant, ch'al jere il 1630, intune des sôs relacions al Senado venezian, la miserevule cundizion li che si cjatave la Patrie, il lûctignint Fernando Polani al fracave su di un grâf flagjel che ta chel timp al pesave sul cjâf dai furlans: chel des copadicis dal besteam e dai cristians che a fasevin i lôfs: "I luppi... in particolare di di qua dal Tagliamento, destrutte et devorate centinaia di persone..." Un pericol che si fevelarà par tancj agns ancjemò tes relacions dai rapresentants de Serenissime, cussi che un altri lûctignint, il Venier, al prometeve altris providencis par curâ cheste peste. La difusion dai lôfs sul teritori furlan, a scomençâ de albe de Ete di Mieç, e a lassât cetantis olmis ançe tal patrimoni culturâl furlan, come chês dai "preenti", dai sconzûrs, che il prin cognossût al è un de metât dal secul XV. A Glemone, tal an dal Signôr 1369, il Consei minôr de citadine al stabilive un premi di 20 solts par ogni lôf mascjo copât e antancj par une love, e al decretave, ancjemò, la realizazion di 300 "rampinos ferreos" par caturâ e copâ i lôfs che a infestavin



**I lôfs, in pasat,
a cirivin
di slontanâju
cul sconzûr
dal "preento"**

chel teritori. A ogni mût, cheste largje presince no jere, lafè no, colpe dai lôfs; simpri di plui, l'om ur gjavave i lôr teritoris par l'arlevament, il pascul e pes coltivacions, cussi che la concorence cun l'om e diventave une necessarie bisugne di sorevivence. E pensâ che al lôf si cjalave come a une creature mitiche, in timp che il popul al faseve e al disfave une grande quantitât di sants, ançe i lôfs a fasevin la lôr part:

Listize. Rassegne teatrâl

Pe "Rassegne teatrâl comunâl", vinars ai 28 di Avrîl, aes 8 e 45 sore sere, tal Auditorium di Listize, la compagnie "Teatri Viart" di Muçane e propon il spetacul "Cuasi cuasi mi fâs un sbatudin". Jentrade libare. La Aministrazion comunâl e lis compagnis teatrâls dal Comun a àn decidût che lis ufiertis metudis inte cassele te jentrade dal teatri a coventaran par insiorâ lis dotacions dal auditorium.

San Lupino, San Luperio, San Lupi, e a Clavais si cjate ancjemò il "borc dai lôfs". Forsit, la nassite e il svilup di une mentalitât negative tai lôr confronts si invià propit par vie di chescj maçalizis di bestiis e di cristians. A nasserin cussi ançe des formulis par bonâju: i sconzûrs o "preenti", che il prin testemoneât te letulture populâr al è dal 1431 o jù di li: "Piriapo par vie al lave/ en tal fel dal lof chel s'incontrave...". Si tratave di un pastôr – in altris sconzûrs al è un sant – che, cjatant il fi di un lôf, lu sconzure di là vie cence fâ dams, tal non di sants e parfin dal zendâl, o ben dal vèl li che il Signôr al fo involuçât la gnot di Nadâl, che si stimave al ves une funzion protetive; e cuissâ se chest vèl al puedi jessi metût in rapuart cun la "cjamisola", o placente dai benandants. A Pordenon, invezeit, ai prins di Mai dal 1606, denant di pre Tiberio Astemio, nodâr dal Sant Ufizi, e comparî la femine di un colon di San Zuan par discolpâsi dal fat che tra i tancj incantaments che e veve fat, ma simpri a fin di ben, e veve fat ançe un sconzûr cun chês di "segnar il lovo che non mangiasse creature o animali". A Sacil si contave che ogni sere un cjan al jesseve fûr di un munistîr par lâ a scombari cui lôfs, e al tornave di buinore cun lis feridis cjapadis in combatiment. Cuissâ che la lote cuintri i lôfs, tal imaginari coletif, no vebi cjapade sù la valence che a vevin lis bataiis noturnis dai benandants cuintri il mâl.

Roberto Iacovissi

Tradizions furlanis dal mês

par cure di Mario Martinis

LIS ROGAZIONS

Lis Rogazions a jerin processions cristianis dal timp de vierte par domandâ il jutori celest su lis coltivacions e sul bon andament de anade agrarie. La prime Rogazion, clamade "Maiôr", e vignive fate ai 25 di avrîl, invezeit chês "Minôr" si tignive tal lunis, martars e miercus prime de Sense (che e colave di joibe). Si tratave di une funzion liturgjiche che previodeve une procession tal vert de campagne, secont percors antics che a toçjavin borcs sparnciâts te campagne, riui, croseris, gleseutis votivis, anconis e confins di pais, par implorâ la protezion divine su la campagne coltivade e sui siei prodots che a stavin par inmaneâsi. In tantis bandis, lis processions a sostavin par fâ polsâ e par dâi di mangjâ ae int che e jere convignude; si tratave de distribuzion di pan e vin, fate ançe par lassits e disposizionis testamentariis. Dilunc dal percors, biel che al



leieve i vanzei, il predi al benedive cu la crôs i cuatri ponts cardinai e al recitave la formule di sconzûr cuintri il timp trist e la tempieste, il taramot e la peste, la vuere e la caristie. Alore, in ciertis bandis i contadins a jerin usâts a gjavâ fûr pronostics su la gnove anade agrarie, a sistemâ su lis spaleris des vîts o sui pomârts tocuds di cere cjàpâs sù dal tringul dal Vinars Sant o piçui ramaç di ulif benedit o piçulis crôs di len, come segn di protezion e difese cuintri il sut, il timp trist e i malefics. In ciertis bandis la int no si sentave su la jerbe gnove dai cjamps fin cuant che cheste no vignive benedide dal passaç de

Rogazion. La Rogazion e veve ançe la impuartante funzion sociâl di conferme de jurisdizion dal teritori ecclesiastic, come che e dimostre ancjemò vuê la sugestive cerimonie de Bussade des Crôs de Plêf di Zui.